

集一切福德三昧經卷上

姚秦三藏鳩摩羅什譯

賴

如是我聞一時佛在毗舍離菴羅樹園大法講堂與大比丘衆十千人俱皆阿羅漢諸漏已盡無復煩惱心得自在心得好解脫慧得好解脫其心調柔如大龍王所作已辦捨離重擔逮得已利盡諸有結到於彼岸菩薩摩訶薩二萬人俱皆不退轉得陀羅尼及無尋辯獲大神通善能出生諸深三昧念慧堅摺智慧方便到於彼岸其名曰行志菩薩摩訶薩師子志菩薩摩訶薩妙色志菩薩摩訶薩增志菩薩摩訶薩增長志菩薩摩訶薩無量志菩薩摩訶薩法志菩薩摩訶薩薩勒菩薩摩訶薩文殊師利童子菩薩摩訶薩那羅延菩薩摩訶薩如是上首二萬菩薩復有四萬天子皆向大乘及餘無量釋梵護世今時世尊與無量百千萬億大衆恭敬圍遶而為說法今時世尊却後三月當捨身命入般涅槃當于是時佛法勝妙

極為增盛隱蔽一切諸外道等

今時千世界三那羅延菩薩從坐而起整於衣服右膝著地合掌向佛白言世尊如來不久當捨身命畢竟涅槃今如來法極為軍上能悉隱蔽一切外道元信敬者善哉世尊惟願如來護諸菩薩令得現生一切諸善善根增上其心歡悅增益威德不斷佛種護持法眼及與僧眼惟願如來攝救一切諸衆生等分別演說向涅槃道所說正法若佛滅後令諸菩薩流通不斷及阿耨多羅三藐三菩提久住於世不離見佛聞法供養僧增益念力不忘諸法增益慧力覺了深法增長進力得進解義得具慚力淨自心故具足愧力捨離一切諸惡法故得堅固力威儀具足故有牢強勇健除斷一切諸結使故有大雄猛所住無畏故世尊云何菩薩摩訶薩不失功德不失正法不失慧不失智不失菩薩心志念堅固親友究竟令諸衆生乃至涅槃如說如作不誑衆生住滿佛法不求自施悉捨於一切自如教

住三淨戒自住淨忍心無虛癢於

諸衆生其心平等自住精進作一切業自住諸禪具三善戒自善住慈不依著於一切禪定自住明慧離諸邪見一切法中得於照明以四攝法攝取衆生無有疲倦不求恩報常念修行一切人天所有善處住一切智心如門闢心不趣向聲聞緣覺心常趣法不趣於欲為法王利非人天利行智慧行佛智所說以法養命非飲食治遠離貪欲攝受一切遠離瞋恚於諸衆生無侵害心遠離愚癡難諸法闡出過衆魔難諸結惱善巧方便善趣諸門如是問已今時世尊告千世界主那羅延善哉善哉那羅延汝今乃能為諸菩薩問於如來如是之義那羅延汝今諦聽善思念之當為汝說菩薩摩訶薩如是諸行所得功德復過於時那羅延善哉善哉善哉善哉世尊受教而聽佛告那羅延菩薩摩訶薩有三昧名集一切福德菩薩成就三昧者不失功德不失正法不失於慧不失於智不失見佛聞法

集一切福德經卷上 第四經

供僧勤修四攝自住布施乃至自住
於善方便成就此功及餘功德余時
世尊敷演說是集一切福德三昧名
已即便默然

余時有大力士名曰淨威成就大力
居毗舍離大城作如是念我大力士
成就大力閻浮提中所有衆生无有
大力與我等者我先聞有沙門瞿曇
成就大力具足十力耶羅延身復作
念言我當往觀沙門瞿曇何如我也
余時淨威力士出毗舍離大城趣菴
羅園大法講堂到已瞻觀如來應正
遍覺佛大威德百千萬衆恭敬圍遶
而演說法猶如須弥顯于大海周匝
端嚴極為微妙當初觀見於如來時
得大信樂愛敬之心即前投地礼如
來足右遶三匝却住一面合掌頂上
一心觀佛是時世尊知是淨威力士
心已欲降伏故告大目連目連汝往
取吾昔菩薩時為娉瞿夷釋種女故
搃力時箭余時目連白世尊言我都
不見知在何處余時世尊從於右足
放大光明名曰照明是光遍照三千

集一切福德經卷上 第五經

大千此佛世界時三千大千世界之
下大金剛輪箭在彼堅余時世尊告
大目連汝見此界大金剛輪箭在彼
堅不目連白言已見世尊佛告目連
汝取持來時大目連即下至彼如大
力士屈申臂頃一切大衆皆見其去
即便持來授與如來作如是言世尊
是菩薩時父母生力為神通力佛言
是菩薩時父母生力非神通力目連
菩薩若以神通之力是箭即過无量
無邊諸佛世界大德目連白言世尊
乃是菩薩父母所生福德之力佛告
目連如十人力等一健牛力十健牛
力等一青牛力十青牛力等一凡象
力十凡象力等一羅迦象力十羅迦
象力等一迦尼象力十迦尼象力等
一香象力十香象力等一毗陀象力
十毗陀象力等一無闍象力十無闍
象力等一伊沙陀象力十伊沙陀象
力等一安禪象力十安禪象力等一
婆摩象力十婆摩象力等一青象力
十青象力等一黃象力十黃象力等
一赤象力十赤象力等一白象力十

集一切福德經卷上 第六經

白象力等一赤蓮花象力十赤蓮花
象力等一紅蓮花象力十紅蓮花象
力等一香象力十香象力等一大香
象力十大香象力等一繫羅師子王
力十繫羅師子王力等一力士力十
力士力等一大力士力十大力士力
等一遮闍羅力十遮闍羅力等一大
遮闍羅力十大遮闍羅力等一波建
提力十波建提力等一大波建提力
十大波建提力等一地天子力十地
天子力等一堂天子力十堂天子
力等一持風天子力十持風天子力
等一持鬘天子力十持鬘天子力等一
醉天子力十常醉天子力等四天王中
一天子力一切四天中天子力等一天
王力十天王力等三十三天中一天
子力一切三十三天中天子力等一
帝釋力十帝釋力等焰天中一天子
力一切焰天中天子力等一焰天王
力十焰天王力等一兜率陀天中一
天子力一切兜率陀天中天子力等
一兜率陀天王力十兜率陀天王力
等化樂天中一天子力一切化樂天

集一切功德經卷上 第三

心亦作是念世尊願令我等得如是力如今如來應供正遍覺今時那羅延菩薩白言世尊云何名為菩薩所修集一切福德三昧如來先說是名字已即便默然世尊今當敷演解說是集一切福德三昧云何菩薩得是三昧今時世尊告千世界主那羅延菩薩那羅延無有菩薩發於无上正真道心而不隨是集一切福德三昧者何以故一切福德無有不入初發心中那羅延猶如江河一切諸流無有不入大海中者如是那羅延所有福德若施戒脩有漏无漏世間出世間若天若人所有福德皆悉攝在發菩提心中是故那羅延若善男子善女人欲集一切諸福德者當發无上正真道心那羅延猶如寶山所謂須弥目真隣陀摩訶目真隣陀輪圓山大輪圓山及諸餘山藥木叢林村邑聚落大小諸城閭浮提弗婆提瞿耶尼鬱單越諸四天下及千世界二千世界三千大千世界欲界色界无色界日月星宿若日月蝕一切皆攝三千

集一切功德經卷上 第三

大千世界之內乃至百億四天下皆悉在中如是那羅延所有一切諸凡夫福若學人福無學人福若菩薩福若如來福一切皆攝在於菩薩初發心中是故那羅延若欲攝取一切福德當發菩薩阿耨多羅三藐三菩提心那羅延若四下一切衆生悉具轉輪大王福德若有初發大乘法心福德智慧必勝於彼那羅延如四下一切衆生乃至三千大千世界所有衆生是衆生界之所攝者是一一衆生皆具轉輪大王福德是諸轉輪大王福德為一轉輪大王德聚是一一衆生復具是德於意云何是諸福德寧為多不那羅延言是一人福尚多無數况復无量阿僧祇人所有德聚佛言那羅延置是三千大千世界所有衆生乃至恒河沙等世界所有衆生悉具轉輪大王福德那羅延於意云何是諸德聚寧為多不那羅延言世尊若一三千大千世界衆生具足轉輪大王所有德聚尚多无量無邊阿僧祇况復無量无边世界衆生

集一切功德經卷上 第三

具足轉輪大王福德之聚那羅延我今知已而唱是言有初發菩提之心所有德聚比前德聚百分不及其一千分百分百千万億分乃至算數譬喻所不能及那羅延是名初說入集一切福德三昧復次那羅延如千世界梵王慈心普遍滿此一千世界那羅延有人復以滿千世界七寶布施於意云何是人施福梵王慈福何者為勝那羅延言世尊梵王慈福无量無邊那羅延置是千世界梵王慈心普遍滿此二千世界那羅延若復有人以滿二千世界七寶持用布施汝意云何是人施福梵王慈福何者為勝那羅延言世尊梵王慈福無量无边那羅延如三千大千世界梵王慈心普遍滿此三千大千世界若復有人以滿三千大千世界七寶布施於意云何是人施福梵王慈福何者為勝那羅延言世尊梵王慈福無量无边那羅延言世尊施福比慈百分不及一千分百千分乃至算數譬喻所不能及佛

言如是四千世界梵王慈心亦遍滿此四千世界五千世界梵王慈心亦遍滿此五千世界十千世界梵王慈心亦遍滿此十千世界百千世界梵王慈心亦遍滿此百千世界那羅延若人以滿百千世界所有七寶持用布施所得福聚比慈福德慈福為勝那羅延正使是等三千大千世界中一切眾生各具慈心如百千世界大梵天王所有慈心是諸慈心福德之聚欲比菩薩初發道心專志增上為脫一切所有眾生無幻無偽實為一切眾生修行慈心福德百分不及一百分百千分億分百億分千億分乃至算數譬喻所不能及那羅延是故當知若欲修集一切福德是善男子善女人應發阿耨多羅三藐三菩提今發當發具足如是無量无边福德之聚是第二說入集一切福德三昧復次那羅延汝意云何東方虛空為普遍不南西北方四維上下所有虛空為普遍不那羅延言世尊東方虛空尚不得邊何況十方不可說

無量无边隨有世界虛空普遍伴言那羅延假令有人乃至百千萬億劫中引諸喻說欲盡虛空得其邊際不得其邊那羅延我今引喻以明斯義為欲成滿是集一切福德三昧故亦令增益諸有修集福德眾生增長志欲令向大衆菩薩摩訶薩滿大精進那羅延若以芥子盛滿三千大千世界乃至非想非非想處滿中芥子假令有人持過東方百千恒河沙等世界下一芥子如是東行盡是芥子猶不能得世界邊際南西北方四維上下亦復如是那羅延若復恒河沙等世界滿中芥子那羅延頗有人天能數如是一切芥子知其數不時那羅延自言世尊若四下一切眾生成就智慧如舍利弗於一劫數猶尚不能數其一分況能數盡大芥子聚那羅延假令有人過於東方恒河沙世界著一芥子如是東行盡是芥子猶故不得世界邊際南西北方四維上下亦復如是那羅延如是世界虛空普遍設有人天以滿中七寶持用

布施那羅延於意云何是福德聚寧為多不那羅延言無量世尊无边世尊佛言那羅延是人所有福德之聚欲比初發道心菩薩成就志欲無幻無偽勤修精進為脫一切眾生起大慈大悲所集德聚是施德聚百分不及一乃至算數譬喻所不能及那羅延十方一切所有諸物虛空皆悉周遍那羅延菩薩慈心亦復如是遍滿十方諸佛世界所有眾生皆悉普遍那羅延是菩薩慈心所及眾生令悉具足轉輪大王所有福德如是帝釋所有福德如是梵王所有福德若有菩薩初發道心專志趣向無幻無偽勤修精進為脫一切所有眾生起慈悲心而趣向之行於慙憚所得福德是福勝彼一切眾生具轉輪王帝釋梵王所得功德那羅延是第三說入集一切福德三昧復次那羅延假令三千大千世界所有眾生皆具轉輪大王福德比帝釋福德百分不及一乃至算數譬喻所不能及那羅延假令三千大千世界所有眾生皆為帝釋比梵王所有

第一切福經卷上 第七疏 釋
福德百分不及一乃至算數譬喻所

不能及。如羅延偈令三千大千世界一切衆生皆悉具足大梵天王所有福德比一斷欲優婆塞所有福德百分不及一乃至算數所不能及。如羅延偈令三千大千世界所有衆生皆為斷欲優婆塞所有福德比舍利弗所有福德百分不及一乃至算數譬喻所不能及。如羅延偈令三千大千世界所有衆生福德智慧如舍利弗比一緣覺所有福德百分不及一乃至算數譬喻所不能及。如羅延偈令三千大千世界所有衆生悉具緣覺所有福德比一五百劫中修行菩薩所有福德智慧百分不及一入集一切福德三昧應如是學。說是法時三萬二千衆生皆發無上正真道心。此三千大千世界六種震動。人天伎樂同時俱作。人天雨花積至于膝。天龍夜叉。乾闥婆。釋梵護世。皆作是言。世尊是初發心者。悉勝我等。世尊我等亦當利是善男子。善女人。已發心發當發。阿耨多羅三藐三菩提心者。如

第一切福經卷上 第七疏 釋
我等解佛所說義。若有衆生不發无

上正真道心。則不能趣是集一切福德三昧。不能正入。若有衆生發於無上正真道心。則能得趣是集一切福德三昧。亦能正入。今時淨感力士。白言。世尊。以何等法能得成就攝此集一切福德三昧。佛言。善男子。成就一法攝此集一切福德三昧。何等一法。謂不捨於一切智心。善男子。是名成就一法攝此集一切福德三昧。復次善男子。復成就二法攝此集一切福德三昧。謂聞法無厭聞。已修行善男子。是名成就二法攝此集一切福德三昧。復次善男子。復成就三法攝此集一切福德三昧。何等三。謂離諸惡。修行善法。善巧迴向。善男子。是名成就三法攝此集一切福德三昧。復次善男子。復成就四法攝此集一切福德三昧。何等四。法攝此集一切福德三昧。復次善男子。復成就五法攝此集一切福德三昧。何等五。所謂專意發菩提心。常真實語。无有誑偽。無

第一切福經卷上 第八疏 釋
有嫉妬於一切衆生。心常平等。善男

子是名成就五法攝此集一切福德三昧。復次善男子。復成就六法攝此集一切福德三昧。何等六。所謂親近於善知識。離惡知識。遠離衆閑。閑居寂靜。不捨大慈於諸衆生。起大悲心。善男子。是名成就六法攝此集一切福德三昧。復次善男子。復成就七法攝此集一切福德三昧。何等七。所謂修定。善於智慧。善知於因。善知於緣。正直而住。修集於道。修行道時。无有懈怠。善男子。是名成就七法攝此集一切福德三昧。復次善男子。復成就八法攝此集一切福德三昧。何等八。謂調柔身。調柔心。觀受。觀法。未生惡法令其不生。已生惡法斷之。令滅。未生善法方便令生。已生善法護令增長。善男子。是名成就八法攝此集一切福德三昧。復次善男子。復成就九法攝此集一切福德三昧。何等九。觀過法。無盡現法。无盡求法。無盡觀法。如幻等覺。三世如一切法。知而忍之。不謗於空。不分別。無相。不願諸有。善

男子是名成就九法攝此集一切福德三昧復次善男子復成就十法攝此集一切福德三昧何等為十謂解元我忍於無命不疑無人緣法無常於諸生處如地獄想觀四大如毒地觀入如空聚觀陰如地體流出諸有想樂修解脫善男子是名成就十法攝此集一切福德三昧今時淨威力士白佛言世尊若善薩摩訶薩欲成就一切福德莊嚴者應聽是三昧善薩摩訶薩欲集一切福德者應聽是三昧若善薩摩訶薩欲得不思議福德者應信是三昧應聽是三昧若善薩摩訶薩欲得無盡福德者應當修行於是三昧若善薩摩訶薩欲到一切福德大海者應當受持讀誦修說於是三昧若善薩摩訶薩欲得百福相者應當修行於是三昧今時淨威力士復白佛言世尊善薩摩訶薩何法相應成就滿此一切福德莊嚴修集一切福德不可思議福德無盡福德大海福德滿百福相今時佛告淨威力士善男子有於三法為福德柱福

德莊嚴福德來集福德增廣福德元盡福德大海福德叵思何等三謂一布施莊嚴持戒莊嚴多聞莊嚴善男子云何善薩摩訶薩修行布施莊嚴善男子善薩摩訶薩應生是心若布施時不見施心不見所施及以受者不見眷屬若有乞者來有所求為攝護故不以王位封邑財物諸珍寶等而有慍惜生於異心善男子是善薩摩訶薩作如是念今我此身悉已給施一切眾生況餘財物若已施者終無悔心須財施財須食施食須飲施飲須眼施眼須肉施肉須血施血須髓施髓須於支節施與支節須頭施頭我志當施況餘財物穀米金銀衣服瓔珞象馬車乘園城王宮男女婬妾奴婢眷屬無不捨者若有眾生隨其所須而求索之我隨所有志當施與無有憂悔不望其報起慈悲心為攝眾生攝取眾生乃至成佛終無有盡善男子若有善薩發如是心名善薩布施莊嚴復次善男子善薩不自觀計身命寧捨身命終不為惡不為

養身邪命自治寧捨身命不惱於他不為封邑造行諸惡不為眷屬熾然諱訟不為妻妾及以男女嫉利他財不生慍心常恒少欲乃至不生一念惡心況復多也為斷慍貪不生瞋恚无瞋恚故正行相應正行相應故到於正處到正處故正戒相應正戒相應故親善知識恭敬供養恭敬供養善知識故得聞正法聞正法已如說修行如說修行已則能利益邪道眾生不作眾惡隨順善法得知方便知眾生根善男子而是善薩行施莊嚴得是功德復次善男子善薩摩訶薩不生內外想若內地大若外地大等无異想何以故身猶如牆壁草木如影如炎無知无思無作无堅四大所攝若有斫截刀杖凡石撾打之者終不生報不觀計身不愛壽命於諸眾生不起瞋恚彼眾生所修慈悲心善男子猶如藥樹若有取根莖節枝葉花實及果終不作念取根葉取莖取實莫取根如是乃至枝葉果實亦尔而是藥樹都无想念然能寂滅一切眾

生若上中下所有病患如是善男子

集一切福德經卷上 第二十二法

菩薩摩訶薩於四大身生樂樹想隨諸衆生須手與手須脚與脚須眼與眼須肉與肉須血與血須骨與骨須髓與髓須頭與頭須支節者施與支節善男子若是菩薩以如是心行施莊嚴趣向無盡菩薩摩訶薩行布施時為慳衆生令成滿施少福衆生具滿福德貧窮衆生滿大封邑若捨支節為令衆生具滿支節如是布施不向三處何等三不求王位自在不求大富自樂不向聲聞緣覺菩提如是布施為滿四淨何等四淨謂佛土淨菩薩僧淨化衆生淨迴向一切智淨菩薩摩訶薩應當如是迴向四淨復次菩薩摩訶薩施住無盡何等名為菩薩施住善男子菩薩摩訶薩有四法布施是施有盡何等四謂不迴向無有方便所為下劣近惡知識善男子是名菩薩四法布施是施有盡善男子菩薩有四法布施施住無盡何等四謂迴向菩提有巧方便為得法王近善知識善男子是名菩薩四法

施住而不可盡復次善男子菩薩摩訶薩應念三法而行布施謂念不離菩提之心憐愍一切所有衆生不違佛語不望果報善男子是名菩薩念於三法而行布施復次善男子菩薩摩訶薩安置衆生於三法中而行布施何等三謂安衆生善讚道中而行布施為安衆生善讚法中而行布施為安衆生著無上門中而行布施善男子是名菩薩摩訶薩安置衆生於三法中而行布施復次善男子菩薩摩訶薩憍望二法而行布施何等二所謂憍望有大封邑能行捨心善男子是名菩薩憍望二法而行布施復次善男子菩薩摩訶薩為滿二法而行布施謂智與慧善男子是名菩薩摩訶薩為滿二法而行布施復次善男子菩薩摩訶薩進趣二法而行布施何等二謂盡智無生智善男子是名菩薩摩訶薩進趣二法而行布施復次善男子菩薩摩訶薩修行四施何等四謂等心行施不望果報施向菩提施滿調寂施善男子是名菩薩

集一切福德經卷上 第二十三法

修行四施是故善男子菩薩欲趣至無盡福應當修行如是布施令時淨威力士即白佛言希有世尊如來說施攝取一切佛之正法世尊若有菩薩成就是施元有能量是菩薩福佛言如是如是善男子若有菩薩成就具足如是布施知是菩薩成就具足無盡福德大海福德不貧聖法成足大封邑住在法流獲得大財具足七財成大福德持百福相為大福田養育一切諸衆生等集一切福德三昧趣善上

癸卯歲高麗國大藏都監奉勅彫造

集一切福德三昧經卷中

姚秦三藏鳩摩羅什譯

尔時佛告淨威力士善男子云何菩薩摩訶薩淨戒莊嚴謂戒淨无缺不捨學戒愍於毀禁極敬持戒淨身三業淨口四過淨意三業自成十善教他十善不自稱譽不起戒慢勤進修戒頭陀德中心不動轉住於聖種自護已心不見他過不作眾惡不願諸有亦不喜樂勸他修善勤營助他不怖望樂勸人布施不捨阿練若處為病給使作已歡喜如說如作失利不憂得利不高毀譽稱讚及與苦樂心不傾動斷除愛恚不懷忿嫌修行慈心視怨如親不以戒自高不向餘乘不礼餘天捨離諸見蓋覆使纏斷除滅悔捨財无悔心生歡喜不生諸有心不願樂忍於疲苦善護進心遠離著心不驚怖畏無生法忍善男子菩薩摩訶薩為集此戒乃至失命終不毀犯不為王位護持禁戒不為生天不為帝釋不為梵王護持禁戒不為封邑不為自在不為妙色護持禁戒不為

社

端正不為名稱不為讚歎不為利養

不為恭敬不為活命不為飲食不為卧具不為病藥護持禁戒不為眼色不為耳聲鼻香舌味身觸心法護持禁戒不依倚色不依受想行識護持禁戒不依欲界色界無色界護持禁戒不畏地獄餓鬼畜生不為救護護持禁戒不畏人道貧窮困苦護持禁戒不畏天道貧窮困苦故護持禁戒不畏天龍夜叉鬼闍婆阿修羅緊那羅迦樓羅摩睺羅中貧苦惱故護持禁戒為佛種故護持禁戒為住聽法如聞而行護持禁戒為僧種故護持禁戒為欲出過生老病死憂悲苦惱故護持禁戒為欲解脫諸眾生故護持禁戒戒為安樂利益諸眾生故護持禁戒欲住佛法故護持禁戒欲轉法輪故護持禁戒為集聖種故護持禁戒為不斷佛法僧種故護持禁戒為妙神通故護持禁戒為戒定慧解脫解脫知見故護持禁戒為神足變化應現无方護持禁戒如是持戒不毀不缺不穿堅實無所作為具足成就精妙

無染清淨香潔智者所讚諸佛所歎

如法修行堅固真實若菩薩成就如是持戒不失十法何等十法謂不失於轉輪王位既在是位不生放逸怖望欲得无上菩提願得見佛不失帝釋既得是處不生放逸怖望欲得无上菩提願得見佛不失梵王既在是處不生放逸怖望欲得无上菩提願得見佛淨信正直不失聞法如所聞法善能分別不失攝取菩薩智慧不失無斷无昇辯才不失集眾一切善根不失一切諸佛聲聞緣覺所讚不失疾能通達一切諸佛智慧若菩薩成就如是持戒不失此十法菩薩成就如是戒聚諸天常礼諸龍宗敬夜叉常供諸闍婆亦常供養阿修羅敬侍諸王婆羅門長者居士皆尊重之智者常趣諸佛常念諸天世人常師事之常愍眾生若菩薩如是淨持戒聚不生四處除化眾生何等四不生邊地不生無佛國不生邪見家不生惡道菩薩如是淨持戒聚不生四處復次善男子菩薩如是淨持戒聚

集一切經卷中 第四卷

卷

不失四法何等四所謂不失菩提之心不失念佛不失聞法既聞法已乃至無量阿僧祇劫而不忘失是為菩薩淨持戒聚不失四法善男子若菩薩如是淨護戒聚不值四處不值法滅不值刀兵劫不值飢餓劫不值劫燒菩薩如是淨持戒聚不值是四復次善男子菩薩如是淨持戒聚得四勝法所謂不誑佛不誑諸天不誑衆生不誑自心菩薩如是淨持戒聚得四勝法復次善男子菩薩成就護持戒聚離十種畏何等十離地獄畏離畜生畏離餓鬼畏離貧窮畏離不稱讚畏離諸經畏離諸層間緣覺位畏離天龍夜叉乾闥婆阿修羅迦樓羅緊那羅摩睺羅伽拘辦茶羅刹等畏離魁膾刀杖火毒等畏離諸師子虎豹熊羆及多勒叉狐狼蟒蛇貓鼠百足毒蛇蛆蠚王賊等畏菩薩如是住淨戒聚離十種畏善男子菩薩持戒則能發起一切佛法乃至起於無上菩提何以故若有持戒便有三昧若有持戒便有智慧若有持戒便有解脫

集一切經卷中 結集經

卷

若有持戒便有解脫知見善男子云何名戒戒者名為寂調結使以何緣故名為結使以染汙三有諸衆生故名為結使云何名寂无妄想無分別无起著永不思念一切諸法是名寂調一切結使善男子若菩薩摩訶薩不能如是知寂調結使是不名為戒聚清淨何以故若不能知寂調結使雖生梵世猶為結染乃至非想非非想處猶為結使善男子是故當知寂三界結名淨戒聚亦時淨威力士白佛言世尊若離三界諸結使染名淨戒聚世尊何故為菩薩時離三界結還生其中亦時世尊告淨威力士善男子菩薩摩訶薩不以自結生於三界以方便故同在三界無三界結化衆生故善男子假使人天能盡虛空現諸色像於意云何為希有不如是世尊如是善逝是人所作甚為希有佛言善男子菩薩捨離一切結使處在三界現三乘化是乃希有淨威力士言世尊是菩薩成就住解脫門憐愍衆生還住三界世尊辭如有人從魁

集一切經卷中 結集經

卷

膾所得全身命既得脫已復還其所而語之言汝今殺我莫然餘人世尊是三界者如魁膾舍一切衆生喻應死者生死諸行猶如魁膾從得脫者猶如菩薩脫三界已為化衆生為脫衆生還住三界世尊是菩薩大悲諸聲聞緣覺所不能及何以故聲聞緣覺元是大悲無善方便无淨戒莊嚴世尊復告淨威力士善男子云何菩薩摩訶薩善能修集多聞莊嚴求學多聞善男子菩薩摩訶薩於諸和上阿闍梨所恭敬供養尊重讚歎隨教而行除捨憍慢速受教誨於正法中生起樂想於和阿闍梨所生起佛想於自身所起病人想於說法者起明智想為集佛法不愛身命於諸財物衣鉢之餘起惱結想雖具封祿不生受著為重法故一切悲捨為護正法應捨一切世間珍寶為得法故應捨一切名譽讚歎為得法王捨諸王位為捨一切諸結使故應當勤修集法相應為救一切諸衆生故應當勤修集法相應善菩薩摩訶薩修集諸法

者一切善根自然而得是故善男子
菩薩摩訶薩欲成菩提欲堅立智柱
應修多聞善男子如帝釋堂因柱得
住三十三天在中歡樂如是善男子由
菩薩智柱一切諸天世人悉蒙受樂善
男子若有菩薩發菩提心菩提所攝
言欲作佛於多聞中而不勤修諸衆
生中取為無智是故善男子菩薩摩
訶薩應勤精進修集多聞諸衆生中
為多聞柱是時諸天歡喜踊躍是善
丈夫堅牢精進修集智慧必能獲得
於佛十力是善丈夫當以慧力斷諸
結網是善丈夫當演說法斷於一切
衆生結使是善丈夫當往至彼菩提
樹下諸佛坐處是善丈夫當以自力
降一切魔是善丈夫當轉十二行相
法輪善男子若有菩薩修多聞時一
切魔宮皆悉聞敵三千大千世界魔
王皆悉憂惱作如是言是人今者勝
過我等其餘魔天各作是言是人降
伏於我等主我等一切悉屬是人何
以故善男子由是菩薩集多聞慧能
寂結使以無結使魔不得便已有多

聞則能分別既能分別則能修行已
能修行魔不得便修多聞者遠離邪
見得住正見已能正住魔不得便則能
正修已能正修能分別義離諸非義便
能正度義及非義善男子以是緣故應
如是知善男子菩薩修集是多聞時
除四種魔所謂陰魔煩惱魔死魔天
魔善男子如本菩薩集多聞時欲法
利法善住於法我今少說善男子乃
往過世阿僧祇劫無量無邊不可思
議爾時有大仙人名曰取勝住山林
中具五神通常行慈心作如是念我
今山中修行慈心无所利益不但慈
心能滅衆生無量劫中所集煩惱非
此慈心能起正見復作是念因於何
事能起正見作是念言有二因緣能
起正見謂從他聞聞已正思以是二
法能生正見是時便生求多聞心當
從何處得聞善說為法因緣集法相
應今時仙人至諸聚落封邑郡縣王
城處處推求多聞了不能得說法之
師時魔天子來至其所作如是言我
今有佛所說一偈是取勝仙聞佛偈

名即語之言為我演說時天報言汝
今若能剥皮為紙以血為墨拊骨為
筆書寫此偈乃當相與佛所說偈善
男子時取勝仙作是念言今我此身
無量生死在在生處賊兵剋贈百千
劫中常以无事墮在彼手利刀割截
分解支節或為欲故或財利故然縛
捶打繫閉可罵受無量苦都无利益
唐受割截我今當以此不堅身易得
妙法歡喜踊躍我得大利聞是法語
於此天所生師宗想即以利刀自剥
身皮乾以為紙復刺出血用以為墨
復拊其骨削以為筆合掌向天而作
是言天為我說佛所得偈如先所勅
剥皮為紙出血為墨拊骨為筆我悉
作已善男子時魔天子見取勝仙恭
敬為法見已愁悴即便隱去善男子
時取勝仙見天沒已作如是念我今
為法生恭敬心剥皮為紙拊骨為筆
我今如此恭敬求法而是善根終不
敗亡若我此言誠實不虛起慈悲心
為諸衆生不惜身命剥皮為紙出血
為墨拊骨為筆若我至心誠實不虛

第一切智德經卷中 第十卷

餘方世界大慈大悲能說法者當現
我前善男子取勝大仙作是語時一
念之頃東方去此佛土三十二佛剎
彼有國土名普无垢是有佛号淨
名王如來應供正遍覺今者現在知
寂勝仙心念所作亦欲教化是閻浮
提諸衆生故譬如壯士屈伸臂頃乘
空而來到是寂勝仙人前住及五百
菩薩是淨名王如來放大光明遍照
彼林天雨衆花時彼樹林枝葉花果
皆出法音尔時无量百千万億諸天
來集是時彼仙得淨名王佛光觸身
已苦痛悉除還復如故無有瘡癰尔
時彼仙頭面敬礼佛世尊足右遶三
匝合掌頂上白淨名王佛而作是言
世尊是我師善逝是我師世尊我今
歸依佛歸依法歸依僧惟願世尊為
我說法我聞法已不信衆生行邪見
者壞正見者行黑闇者導示正故而
為說法善男子尔時淨名王佛因寂
勝仙及諸天子諸菩薩等為其演說
此集一切福德三昧法彼天衆中八
千天子本種善根皆發无上正真道

第一切智德經卷中 第十一卷

心寂勝大仙得大喜悅生於大信得
无昇辯彼佛如來復為演說八金剛
句何等八一切諸法性本淨句一切
諸法離結使故一切法無漏句盡諸
漏故一切法離畢竟空句過畢竟空故一
切法无門句無有二故一切法普遍
句示解脫門故一切法无去句無去
處故一切法无來句斷諸來故一切
法三世等句去來現在無二相故彼
淨名王佛演說如是八金剛句是中
開解一切法義復更演說餘八法門
令菩薩摩訶薩疾成就智何等八謂
一切法名字門以名分別一切法故
一切法音聲門以言分別令歡喜故
一切法共要門一切諸法決定相故
一切法言說門虛妄自在故一切法
自相門離他相故一切法畢竟盡
門無所有故一切法分別門從分別
有故一切法平等門等一味故寂勝
是名八法門疾成就智寂勝復有八
字種子門能成就於无盡辯才何等
八一切法阿字種子門示法無生故
一切法施字種子門示第一義法故

第一切智德經卷中 第十二卷

一切法卽字種子門示字名色故一
切法遮字種子門示現一切法調伏
故一切法婆字種子門示一切法入
平等故一切法多字種子門示如不
壞故一切法迦字種子門滅苦業故
一切法摩字種子門究竟成就斷一
切法故是名八字種子門能成就於
無盡辯才是故寂勝是八字種子句
門八法句門八金剛句門正念修行
常離憒內恒善思惟觀察修集功德
之利善男子淨名王如來說是法已
放大光明遍照世界震動大地即沒
不現與諸菩薩還至彼土彼諸衆生
都不覺知佛來去時善男子尔時寂
勝大仙成就聖辯諸天侍衛諸天守
護為降魔故至諸聚落諸城國邑為
諸衆生廣敷演說此集一切福德三
昧滿于千歲常演說法令八万四千
衆生住聲聞乘八万四千衆生住緣
覺乘八万四千衆生住於大乘八万
四千衆生作轉輪王八万四千衆生
作釋提桓因八万四千衆生得作梵
王八万四千衆生修行於慈八万四

千衆生修於悲八万四千衆生修
行於喜八万四千衆生修於捨无
量衆生得生天上是取勝大仙後乃
命終即往生彼淨名王佛普無垢土
及八万四千天子亦生彼土善男子
於意云何今時取勝仙者豈異人乎
汝勿有疑即我身是我本如是欲法
敬法說誠實言便能敬感彼淨名王
佛來至我所是以當知若有菩薩恭
敬求法則於其人佛不沮降法亦不
滅何以故淨威若有菩薩專志成就
求正法者雖在異土常面覩佛得聞
正法淨威若菩薩摩訶薩欲法敬法
今諸山巖樹木林數出諸法藏陀羅
尼門及諸經卷自來在手淨威諸有
菩薩敬法欲法若有諸天曾見佛者
來至其所從於佛所得聞諸法具為
演說淨威利法菩薩若其盡諸佛
世尊增益其善佛力持故欲住千歲
即便能住二千三千四千五千乃至
一劫若減一劫隨意得住淨威若有
菩薩敬法欲法不老不病得憶念力
迴趣智慧得於辯才若有菩薩敬法

欲法得見佛已捨離諸見趣入正見
淨威若有菩薩敬法欲法一切衆生
無能侵害是故淨威是大衆生應當
勤修多聞莊嚴所獲功德復過於
淨威若有菩薩住是三福莊嚴福柱
廣福增福元盡福不思議無有能得
是福邊者淨威可以一毛數大海滄无
有能盡是菩薩莊嚴福聚淨威多聞
慧聚得其邊者淨威能稱三千大千
世界草木山林及諸衆生得其輕重
不能稱量如是菩薩莊嚴福成多聞
慧聚得其邊者是名解說智莊嚴已
今時淨威力士白佛言世尊布施莊
嚴淨威莊嚴多聞莊嚴是三莊嚴何
者為取何者為勝佛言淨威三莊嚴
中多聞莊嚴取可稱數取勝尊上无
上無上上善男子如須弥邊著一芥
子而是施福及淨威聚亦復如是猶
如芥子多聞莊嚴如須弥山善男子
如一小鳥所住虚空施戒莊嚴亦復
如是多聞莊嚴如餘虚空善男子布
施莊嚴能作二事何等二能除貧窮
成大封祿淨威莊嚴亦作二事何等

二一離惡道二至善處善男子多聞
莊嚴亦作二事何等二謂能除去一
切諸見能集一切智慧莊嚴善男子
布施莊嚴是有漏報淨戒莊嚴亦有
漏報善男子多聞莊嚴无漏無報是
故善男子菩薩摩訶薩應勤精進修
多聞慧說是施福淨戒多聞莊嚴法
時三千衆生本種善根便發無上正
真道心五千天子於諸法中遠離塵
垢得法眼淨淨威力士得无生法忍
今時淨威力士白佛言世尊菩薩摩
訶薩成就幾法疾能獲得無生法忍
佛言善男子菩薩成就四法疾能獲
得无生法忍何等四謂解知身猶如
鏡像解知言說猶如響聲解心如幻
解諸法無二淨威當知菩薩成就
四法者疾能獲得无生法忍復次善
男子菩薩摩訶薩成就四法疾能獲
得無生法忍何等四謂慈悲普覆遍一
切衆生无衆生想解諸法空不見所
解觀見佛淨不以肉眼住於慧眼善
分別心而不見心不依倚心善男子
菩薩成就是四法者疾能獲得無生

法忍復次善男子菩薩成就四法疾能獲得無生法忍何等四所謂不捨一切衆生捨離諸見護持淨戒寂一切結善男子菩薩成就四法者疾能獲得無生法忍復次善男子菩薩成就四法疾能獲得無生法忍何等四謂有忍力法轉增勝勤行精進解法寂靜善男子菩薩成就四法者疾能獲得無生法忍復次善男子菩薩成就四法疾能獲得無生法忍何等四所謂得禪而不依禪以慧分別無有戲論成就方便攝取衆生增長諸行善知諸行善男子菩薩成就四法者疾能獲得無生法忍復次善男子菩薩成就四法疾能獲得無生法忍何等四謂以大慈救諸衆生謂以大悲不厭生死謂以大喜欣樂於法謂以大捨斷一切受善男子菩薩成就四法者疾能獲得無生法忍復次善男子菩薩成就四法疾能獲得無生法忍何等四謂得三解脱門解知三世起過三界信法性无生善男子菩薩成就四法者疾能獲得

无生法忍演說如是諸四法時淨威力士得無生法忍歡喜踊躍上昇虛空高七多羅樹介時三千大千世界六種震動人天伎樂同時俱作天雨花雲大光普照遍此世界介時世尊即便微笑諸佛常法若微笑時若干百千青黃赤白紅紫等光從面門出遍照无量無邊世界上過梵世還遶身三匝從頂相入時大德阿難即從坐起整衣服偏袒右肩右膝著地合掌向佛白言世尊佛不妄笑今者世尊何緣而笑說偈問曰
得无上智無垢眼 諸根寂靜到彼岸
大光須弥金山色 導師以何因緣笑
善知衆生諸根行 淨慧相應知三世
得於無想最上智 面如滿月說笑緣
如過去佛及未來 現在諸佛尊亦介
種種真實清淨行 善知一切如實義
其身普遍諸佛界 音聲亦滿諸佛界
慈心普遍諸衆生 願說誰與智相應
自在知法如水月 如幻化相亦如夢
如空如電清淨法 今人師子何緣笑
解空無相无願法 善知實性常調心

如風遊行虛空中 惟願演說何緣笑
今佛智慧知誰心 誰應道樹下降魔
誰當坐於金剛座 人仙今者何緣笑
非是聲聞之境界 亦非緣覺之所及
是佛大海智境界 願說所為之因緣
介時佛告阿難汝今見是淨威力士住虛空不阿難是淨威力士過三百億阿僧祇劫當得作佛号多莊嚴王出現於世如來應供正遍覺明行足善逝世間解无上士調御丈夫天人師佛世尊於此東方國名嚴淨劫名梵歎阿難當知是多莊嚴王佛嚴淨國中當得成佛其土豐樂安隱熾盛是諸人衆所受用物如兜率天是在嚴王佛不說餘法惟菩薩乘乃无聲聞緣覺乘名純菩薩僧皆得法忍無諸八難无有魔怨及諸外道彼佛壽命無有限量琉璃為地閻浮那提金花以間錯之介時淨威力士從空而下頂礼佛足合掌向佛求索出家佛即聽許介時那羅延菩薩白言世尊未曾有也善逝未曾有也乃能以是勝妙善法善調衆生乃至能令如是

憍慢競勝衆生是等當見佛如來時
 即得歡喜除捨憍慢禮如來足如此
 淨威大力士除捨慢已得勝上法
 復當調伏無量衆生除捨憍慢世尊
 是淨威力士為曾供養幾佛世尊種
 諸善根乃能如是速疾開解今時佛
 告鄒羅延菩薩鄒羅延是淨威力士
 曾於過世供養六十二億諸佛種諸
 善根從今已後當復值遇無量無邊
 阿僧祇佛恭敬供養尊重讚歎淨修
 梵行鄒羅延言世尊是淨威力士復
 以何緣懷大憍慢求佛競勝佛告鄒
 羅延菩薩摩訶薩有四法忘善提心
 何等四謂增上慢不敬重法輕善知
 識說不實語鄒羅延菩薩有此四法
 忘善提心鄒羅延菩薩摩訶薩復有
 四法忘善提心所謂讚歎趣向聲聞
 緣覺乘者呵向大乘毀訾菩薩憍惜
 於法鄒羅延菩薩有是四法忘善提
 心鄒羅延菩薩復有四法忘善提心
 何等四於諸衆生行幻惑術詐偽親
 近於善知識合偶言說為利養故解
 羅延菩薩有是四法忘善提心鄒羅

延菩薩復有四法忘善提心何等四
 不覺魔事不除業障志意羸弱无方
 便慧鄒羅延菩薩有是四法忘善提
 心鄒羅延是淨威力士本造惡業忘
 善提心我今當說汝善聽之乃往過
 世此賢劫中有佛出世号迦迦孫是
 佛法中有大婆羅門名曰善財起大
 憍慢得增上慢不往佛所憍慢增上
 與說三法諸婆羅門而共諍競是憍
 慢故獲得現報退失多事謂不見佛
 不聞正法亦不得開趣向菩薩大乘
 之法亦不得聞諸天淨法亦不得聞
 功德善根迴向菩提而不堅固為此
 五惡法遮持故離菩提心鄒羅延於
 意云何今時善財婆羅門者豈異人
 乎汝勿有疑即今淨威力士是也以
 憍慢故忘善提心以菩提心本善根
 故不墮惡道雖成大力猶有憍慢佛
 力所持得聞佛力及菩薩力捨離
 傲慢將來見佛不作衆惡因本善根
 今現發起速疾得是元生法忍今時
 鄒羅延菩薩語淨威力士汝住何法
 得無生忍而受記別淨威答言我以

生起諸凡夫法得受記別鄒羅延言
 云何而生淨威答言生如不生如是
 生滅如不滅如是滅如是而生亦復不
 住鄒羅延言善男子若其舍者佛法
 凡夫法有何老別淨威答言以文字
 故有老別耳若以其義則无老別鄒
 羅延言是凡夫法有何義也淨威答言
 無妄想无分別凡夫法義鄒羅延
 言是義何趣淨威答言而是義者離
 凡夫法趣於佛法鄒羅延言佛法有
 何義淨威答言不作二是佛法義鄒
 羅延言善男子如佛所說依法不依
 人又復說言有二因緣起於正見何
 等為二因外言聲内善思惟如是之
 義即是文字淨威答言鄒羅延依法
 菩薩不取文字不取非文字若得文
 字是即為義而是義者是不不得義是
 故不依於義一切諸法都无有義何
 以故一切諸法不可得故非方不離
 方隨所住處即處自滅如佛所說畢
 竟滅想是名為義是故鄒羅延依義
 者無法可依无不可依若依非依是
 名為義鄒羅延言善男子頗有依義

即是依於一切法也淨威言有那羅延一切法空一切法寂一切法空依

亦如是一切法寂依亦如是如是那羅延若依是義即依諸法那羅延言淨威若如是者一切諸法常自是依淨威答言如是如是那羅延一切諸法皆第一義依第一義者彼得安樂彼應當求於第一義若能不起法及非法不求二不求不二是名為聖分別選擇而是選擇無作元不作若無作元不作是名為作所求者義不相違淨威力士說是法時五百比丘不受諸法漏盡心得解脫八千天子遠離塵垢得法眼淨今時那羅延若薩語淨威力士如佛所說依義不依文然此衆生不解是義行於二行是不解文亦不解義為是不解故說依義不依於文依文依義是義出過於諸文字善男子如佛所說有二因緣能生正見謂彼有人不聞正法調伏法中以少緣故便生歡喜言我出生死彼是增上慢本是增上慢為勸是人令勤修行彼聞法已即便修行趣於正

這是故

佛說聞已得知法聞已不作惡聞已離无利聞已得涅槃那羅延言云何比丘念法相應淨威答言無相應无不相應若能如是念法相應那羅延言彼修行者是語相應復次那羅延若有比丘與念法相應則不起瞋不起憍慢是名正思惟若有觀察說法去來現在若解所說為斷故說為解故說為修故說不得過去世之所作不得未來世之所作不得現在世之所作是正修行若正觀一切法性常滅是名正思惟所見若見一切法性常寂是名修正思惟所見若正觀一切法性常定是名修正思惟所見若正觀諸法畢竟不生是名修正思惟所見若正觀一切法實無常是名修正思惟所見若正觀一切法无常滅是名修正思惟所見若彼見者及以所見都不可見如如見如不見如是名為說示思惟是時世尊讚淨威力士善哉善哉善男子汝之所說如是相應若能如是則於諸法无有愚癡如是

修行則無有障正修行者无縛無解何以故正思惟者於一切法无斷無趣若如是者名為正見見一切法如是正見云何正見謂不見法所言見者是說無生不實之言語不實者說元生名如我所說諸法無生以慧初見若至正位名為正見若如是見名至正位以何因緣名為正位我與無我二俱平等如无我等諸法等起是名正位

集一切福德經卷中

癸卯歲高麗國大咸都監奉勅彫

集一切福德三昧經卷下

姚秦三藏鳩摩羅什譯

頌

尔時那羅延菩薩即白佛言希有世尊希有善逝諸法如是性常寂滅菩薩摩訶薩能聽是法能知是法能信是法不中沮縣佛告那羅延菩薩方便力能如是若菩薩成就善方便者於念念中能得四法何等四謂大慈大悲知一切智佛出於世不斷法種如是四法修行諸法知衆生界是正位相知一切法性常寂滅聞知信解不中沮縣是名調伏法知利衆生知已而見乃至不見何以故不捨一切諸衆生故尔時淨威力士白言世尊菩薩摩訶薩如佛所說不墮正位佛言善男子是菩薩摩訶薩不作諸見然事無不辨聲聞之人不緣一切衆生不緣佛種不緣法種不緣大乘捨一切智不觀一切智不願一切智減有為法入聲聞位菩薩摩訶薩緣一切衆生緣不斷三寶種緣於大乘觀一切智不觀於命知諸法一相不

入正位緣諸衆生遊戲諸禪不墮聲聞位善男子是故當知菩薩摩訶薩常恒無我不墮正位尔時淨威力士白佛言希有世尊希有善逝菩薩所行一切聲聞緣覺之人所不能及尔時文殊師利法王子在會而坐那羅延菩薩白佛言世尊是文殊師利法王子在此會坐乃能於是集一切福德三昧而無所說尔時文殊師利語那羅延菩薩言善男子菩薩摩訶薩不為福德故修行菩提菩薩不為利養名稱不為生天不為封邑不為眷屬不為讚歎不為自樂修行菩提那羅延言文殊師利菩薩以何而行菩提文殊師利言善男子菩薩為悲諸衆生故修行菩提為於法故為脫一切衆生苦故為斷不實諸煩惱故忍自苦故無所為故修行菩提不惜身命觀知无主無宰无居無相无思無轉无壞無遷流轉无侵毀害身健無降無知解无懶墮無怖无畏無驚无恐无高無下无諂曲堅住不動樂寂獨一一道一趣住於一道修行一道

為度一切諸衆生故為如是利故菩薩摩訶薩修行菩提又問文殊師利菩薩云何修行菩提文殊師利言善男子菩薩摩訶薩無生无滅非無生滅行畢竟滅无有餘生無所言說菩薩如是修行菩提復次那羅延菩薩知過心已滅元所能行未來心未至無所能行現心不住元所能行不善去來現在之心菩薩摩訶薩能如是行名修行菩提復次那羅延菩薩若知施及菩提衆生如來等无二行持戒菩提衆生如來等无二行忍辱菩提衆生如來等无二行精進菩提衆生如來等无二行禪定菩提衆生如來等无二行智慧菩提衆生如來等无二行菩薩如是行六波羅蜜則不壞敗行之性相菩薩如是修行菩提復次那羅延菩薩觀色空無有行如觀色空觀受想行識空无有行色空無盡色畢竟盡以其空故受想行識識空无盡識畢竟盡以其空故如其性盡一切法盡色無盡受想行識无盡若有菩薩如是行者是名為修菩提

◇高麗大藏經◇

之行復次攝論卷下 第四羅延菩薩勤斷凡夫法
行不生佛法行不出生死行不滿涅
槃行不見一切不善法成不集善法
不異處觀如是解知不壞行性是菩
提行羅延菩薩如是行是名為修
菩提之行復次羅延菩薩摩訶薩
解衆生界无量法界無量衆生界法
界无盡滅行何以故衆生界法界無
有二故無有二作无有二相不增不
減法界不增衆生界不減衆生界如
法界相衆生界相亦復如是又菩薩
解知諸法无相不盡法界行不盡衆
生界行不盡法界行不增法界行不
盡衆生界行不增衆生界行亦不住
餘妄想顛倒所起結使如是正觀善
知諸行不壞諸有行不壞我衆生壽
命行羅延菩薩如是行名修菩提
行文殊師利法王子演說如是諸行
法時十六天子先向大乘今者逮得
無生法忍亦時淨威力士為欲供養
守護是經便作是言世尊若有衆生
信解是經當得一切諸善吉利亦時
離魔菩薩語文殊師利我亦欲說菩

薩所行文殊師利言善男子今正是
時汝可演說離魔菩薩言文殊師利
行一切法行是菩薩行行一切魔行
是菩薩行行一切衆生行是菩薩行
若行學行無學行是菩薩行行緣覺
行是菩薩行何以故菩薩摩訶薩應
遍學故亦時羅延菩薩問離魔天
子云何菩薩學行一切諸衆生行天
子答言羅延菩薩應學八万四千
行何等八万四千行謂二万一千是
貪欲行二万一千是瞋恚行二万一
千是愚癡行二万一千是等分行菩
薩應入是諸行行於貪欲斷離貪
欲行於瞋恚斷離瞋恚行於愚癡斷
離愚癡行於等分行斷離等分行菩薩
行一切衆生行不染衆生行現行一
切諸衆生行為化衆生故是名菩薩
行菩提行羅延言天子云何一切
魔行是菩薩行天子言一切魔行入
菩薩心菩薩應覺隨所起魔業而不
隨之不為魔行之所繫縛入一切行
而修行之應示魔天令不得便當教
化魔離於魔業羅延言天子云何

學聲聞緣覺行是菩薩行天子言善
男子如是一切行是常性行是无報
行是无位行是无趣行是无生行解
知自行菩薩應當如是修行離魔天
子如是說已語文殊師利法王子善
男子汝今復說如是之行文殊師利
言天子菩薩所行過諸境界何以故
此行非是眼境界數亦非色聲香味
觸法境界之數天子是故當知是善
丈夫所行諸行過諸境界復次天子
若菩薩摩訶薩如是修行則是諸佛
之所許可無有過咎若如是行是名
菩薩修行正行天子言文殊師利菩
薩云何修行諸佛所許可行文殊師
利言天子一切諸法實際自空如來
如是而覺知之若菩薩住如是法行
佛所許可若乃至涅槃生見者行則
誑諸佛天子一切諸法實際无相如
來世尊如是覺知若有菩薩為諸法
作相與相俱住則誑諸佛一切諸法
實際无願如來世尊如是覺知無行
無實无生無起无所有無形无相亦
非無相无来無去无住本性清淨本

性明了其性常滅一切諸法猶如虛空如來世尊如是覺知若是菩薩於諸法性若有少得則誰如來應正遍覺天子若是菩薩共空俱住生於見著是菩薩共無相俱住生於見著若是菩薩共無願俱住生於見著則誰諸佛若是菩薩出過三界知一切法無實无生無起无有無形无相無來无去無住本性清淨本性照明本性常滅同如虛空本性無垢若如是知是名菩薩不誑諸佛今時世尊讚文殊師利善哉善哉文殊師利快說此語若是菩薩如是修行名菩提行疾得受記文殊師利我昔過主於然燈佛前所住諸行都不得記何以故我有相行有所依行有所著行我於是後見然燈佛得過諸行當初見時離諸行尤知一切法自性不生時然燈佛授我記言汝於是後當得作佛號釋迦牟尼如來應正遍覺我於是時得無生忍是故文殊師利若有菩薩欲速疾得无生法忍於是品中應如是修不著諸法今時文殊師利自言

世尊菩薩摩訶薩為緣何法得無生忍佛言文殊師利緣陰界入得无生忍彼得一切諸法之忍亦復緣於常樂我淨彼得法忍文殊師利所言忍者名緣一切諸法無盡所言忍者名之為正文殊師利忍之所緣非與世法而共俱行非凡夫法非學法非无學法非緣覺法非菩薩法非佛法而共俱行不與一切諸法俱行名為得忍捨於一切諸法想著名之為忍是忍亦不在於眼耳鼻聲鼻舌香味身觸意法數中無盡不盡名之為忍是忍亦復不離是界是名為忍說是忍時有五百菩薩本先佛所種諸善根得无生忍作如是言此集一切福德三昧能令我等住於所住亦令我等滿無量法世尊菩薩摩訶薩應至心聽其深諸法應當修集今時耶羅延菩薩問文殊師利云何菩薩於是深法所作已辦文殊師利言若有菩薩知一切法无作無不作是名菩薩所作已辦若知一切諸法无行作已不執不作無忘是名菩薩所作已辦若是菩

薩隨所作无思是名知思有為無為不生高下不得作者亦有所作謂作布施住於迴向亦不得施不得菩提不得自他是名菩薩所作已辦守護淨戒迴向菩提亦不得戒修忍進禪定智慧亦不得慧是名菩薩所作已辦若不得身口意善業知是菩薩所作已辦若不得身不得口意所集莊嚴知是菩薩所作已辦今時常精進菩薩語文殊師利我亦欲說菩薩摩訶薩所作已辦文殊師利言善男子今正是時汝便可說常精進菩薩語文殊師利言若菩薩能令一衆生入佛法中如是菩薩所作已辦若有菩薩受衆生食若施與他不以畏故皆悉攝在無上菩提是名菩薩福田清淨若彼施者及與受者如法而作是名菩薩二俱清淨若是菩薩以佛音聲令他得聞自住施戒忍進禪慧作正憶念於大衆中說六波羅蜜令他得聞憶念受持如此善根知是菩薩所作已辦能消供養者是菩薩修行忍辱若為怨賊旃陀羅等之所

集切攝經卷下

第十張

新

經

罵辱不瞋不惱為是衆生今生信喜
勤修精進住精進力知是菩薩所作
已辦若是菩薩以真金寶滿四天下
不貪是寶而作妄語若他問法不相
朋黨說言非法知是菩薩所作已辦
若有菩薩七日絕食若有人來作如
是言汝若能捨菩提之心殺諸衆生
當與汝食而是菩薩終不為之知是
菩薩所作已辦復次文殊師利若是
菩薩見端世界利刀猛火當從中過
而往聽法不愛身命作如是學念陰
入界易得佛難可遇法難可聞敬法
衆生甚亦難得作是念已入衆聽法
知是菩薩所作已辦復次文殊師利
若是菩薩從他人聞一四句偈若戒
若施心生歡喜勝得轉輪立大王位
若以此偈令一人聞勝得帝釋及梵
王慶知是菩薩所作已辦復次文殊
師利若是菩薩能住衆中在多聞中
生大喜悅以此多聞向一切智不得
滿三千大千世界珍寶生大歡喜以
自善根為一衆生迴向佛道用為欣
慶知是菩薩所作已辦復次文殊師

集切攝經卷下

第十張

新

經

利菩薩為化諸衆生故應勤精進堅
自莊嚴修集多聞捨身支節於世八
法其心無異若是菩薩為佛慧故寧
捨身命不捨持戒菩薩應當作於忍
辱能忍諸惡不善音聲菩薩應當勤
加精進莊嚴佛土菩薩應當獨一寂
慶為不敗失菩提道故菩薩應當不
失正念為修集六波羅蜜故菩薩應
當无所執著慙進戒滿已作善業不
捨一切諸衆生故菩薩應當堅持莊
嚴為佛法種故菩薩應當離諸諂偽
身口意法善質直故菩薩應當自淨
志欲為救度依諸衆生故菩薩應當
无所觀作不著身命故菩薩應當甘
軟好語善來問訊故菩薩應當常先
意語無有瞋憤不言說故菩薩應當
猶若如地无受憎故菩薩應當柔和
善軟同心歡樂故菩薩應當善易教
誨速受教故菩薩應當除捨憍慢謙
下一切諸衆生故菩薩應當猶之如
狗不誑一切衆生不違本誓故菩薩
應當諸衆生中起大悲心一切空故菩
薩應當諸衆生中起大悲心為諸衆

集切攝經卷下

第十張

新

經

生作大利故菩薩應當生於大喜欣
樂修集諸善根故菩薩應當修行大
捨不觀一切五欲樂故菩薩應當不
貪憚惜自捨身故菩薩應當不著我
所不貪一切諸財物故菩薩應當具滿大
捨心捨一切妄想故菩薩應當具滿大
財聖七財故菩薩應當牢堅志固一
切善根故菩薩應當無有滿足修集
元量佛功德故菩薩應當智慧勇健
摧四魔故菩薩應當作大璽王善治
一切煩惱病故菩薩應當為作應供
不捨菩提心故菩薩應當作於福田
為諸衆生作光明故菩薩應當猶如
蓮花不為世泥所染汙故菩薩應當
猶如船筏度諸衆生故菩薩應當猶
之如橋於上中下一切衆生无別想
故菩薩應當猶如大池專意正法水
無盡故菩薩應當猶如大海一向多
聞无伏足故菩薩應當猶如大山無
能動故菩薩應當善安止住如門閭
故菩薩應當無所滌著一切所有諸
財物故菩薩應當今心自在不退轉
故菩薩應當猶如大王為尊勝故菩

菩薩應當猶如帝釋一切衆生所尊貴
故菩薩應當猶如梵王自在法王故
菩薩應當安樂一切諸衆生等究竟
安樂至沮脰故菩薩應當為作父母
與諸衆生衣服利故菩薩應當無所
傷損一切善不善法故菩薩應當無
所侵害親非親中心平等故菩薩應
當不親不信所生諸入故菩薩應當
為法施主一切悉捨故菩薩應當離
於一切放逸懈怠為集菩提故殊
師利菩薩常應牢強精進修集一切
諸戒德行為得无上正真道故今時
世尊讚常精進菩薩摩訶薩善哉善
哉善男子善說諸行所應住想善男
子若菩薩摩訶薩欲逮得此集一切
福德三昧者應當勤修一切福德不
應捨離一切福德今時耶羅延菩薩
白言世尊若有得此集一切福德三
昧者不墮惡道不生八難斷諸貧窮
心常自在諸根具足以三十二大丈
夫相善自在嚴得大辯才及无盡法
得陀羅尼得不忘念起一切福轉法
輪故得灌頂位釋梵護世一切衆生

所供養故得具諸神通一切死此生
彼故得大自在在在所生諸所入故
得大封邑增長諸法故得智光明離
惡邪見故得大稱讚一切聲聞緣覺
地故得大調伏一切聲聞緣覺人故
善分別諸根教化衆生故神通自在
諸禪解脫三昧門故得无作施解知
施故得無住戒三戒淨故有無量忍
慈心普遍諸衆生故修行精進心无
疲倦故得禪波羅蜜解知寂靜為化
衆生生欲界故淨慧在嚴善觀音聲
故是名淨眼能見道故不離見佛及
與聞法不離於空無相无作能持一切
佛所有法不離觀見得不退轉菩薩
之僧去無障導一切佛土諸功德故
降伏諸魔勝四魔故得深法忍不退
轉法故疾能通達滿足佛法所未聞
法自來入耳欲願具足取一切佛土
諸功德故彼得安隱離諸習故得自
在身普遍三界而示現故一切外道
不能降伏善守護法於諸佛所捨失
身命守護正法故見佛境界而不畏
竟入沮脰故得無所畏在衆无畏故

有所在作為以智為首心無所營故
現大莊嚴神通變化故得大勢力過
諸宮故淨音聲揚遍聞一切諸世界
故心大勇健催伏一切諸魔軍故到
神通彼岸能動一切佛世界故得大
辯才法辭及義無尋滯故知解无尋
而無放逸住作佛事示諸衆生一切
智故耶羅延若菩薩入是集一切福
德三昧得於如是相續事像无量切
德今時耶羅延菩薩白言世尊願諸
衆生得集一切福德三昧如此菩薩
得是三昧所有功德今諸衆生得是
功德一切聲聞及諸緣覺之所無有
世尊若有菩薩不得聞於是三昧寶
雖聞不解當知是人為魔所持佛言
耶羅延如是如是如汝所說若有菩
薩聞是三昧所生功德若已生若未
生若當生無量无边今時耶羅延菩
薩問文殊師利若有菩薩欲修集行是
三昧者當行何法文殊師利言菩薩
欲得是三昧者不捨凡夫法為持佛
法如是修行不與法相應不與非法
相應如是修行雖流轉生死不學生

集一切功德經卷下 第十七跋 願

死法不為生死所染雖學涅槃不入聲聞緣覺迴厭復次那羅延若有菩薩欲學此三昧應益增長集一切福德不於有漏無漏諸功德中生起妄想若善不善有為無為世間出世間若罪若福起於分別解一切福德皆入法性若福法行若罪法行若無記法行皆入法性應如是見諸眾生福等不實起是眾生福佛福悲皆同等不見差別法界無異起无老別若凡夫福學福无學福緣覺福菩薩福正覺福悲皆不實無有物故无有方處無非方處應如是知應解福性眾生同等善男子如一切色皆依四大菩薩之福亦復如是遍一切處終不起於福德狂逸應知无常盡滅之法那羅延若菩薩欲得此三昧者於四法中而不驚畏何等四於諸眾生大悲無邊佛刹无边佛智無邊入一切眾生心行無邊那羅延菩薩於此四無邊中不應生畏又復菩薩應當解知四不思議何等四業及業報不可思議一切眾生種種諸行若干差別不

集一切功德經卷下 第十七跋 願

可思議佛如來行不可思議菩薩生起諸清淨行不可思議那羅延是名為四不可思議應當解知善男子菩薩解知得四無盡何等四福德无盡滿指無盡樂說无盡究竟智無盡那羅延是為菩薩得四无盡那羅延菩薩應當修四法何等四莊嚴善根無有滿足方便一向一切无盡無有滿足一切佛土諸莊嚴事取以莊嚴自己佛土無有滿足梵本中那羅延菩薩應當如是修集行是四法亦時那羅延菩薩復問文殊師利此集一切福德三昧經當至何等菩薩之手若是經卷若至舍宅若憚若忍若在室若出家文殊師利言那羅延若菩薩摩訶薩聞是三昧若至於耳若至其手若至舍宅彼人若當不起誹謗如是之人我不名之為在家者當名是人為出家者何以故由是菩薩勤修分別是三昧故彼人當能除一切相在在在處一切福德及與智慧无盡無散那羅延菩薩為化諸眾生故示現種種形色相貌那羅延是人遍至

集一切功德經卷下 第十八跋 願

一切諸處猶如日月照四天下一切悲現如是那羅延菩薩亦不依諸難雖在家中而不依家亦非出家不依沙門法二俱詎說何以故菩薩不依一切所有及諸入故那羅延如琉璃寶器隨所在處不失其性如是那羅延若有菩薩住是三昧雖復在家當說是人名為出家能不失是法界體性亦時那羅延問文殊師利菩薩摩訶薩住在何處而能不失是集一切福德三昧得於如是無盡福德智慧莊嚴文殊師利言菩薩摩訶薩有四住處何等四所謂菩薩不住身命及諸利養尊重讚歎住空无相無願三昧不住聲聞緣覺正位怖望佛智及無尋辯而无貢高妄想分別亦不執著如是住處是菩薩住解脫一切所有眾生不住我人眾生壽命及與丈夫那羅延是為菩薩四所住處取勝住處莊嚴无盡大福德聚莊嚴無盡大智慧聚斷一切見成就具足起諸佛法那羅延問文殊師利菩薩云何得是住處得名出家文殊師利言那羅

延菩薩有四法得是住處謂住慈住悲住喜住捨。那羅延是為菩薩住四住處。那羅延菩薩若住村邑聚落若住空處若住是四梵行住處。名正住處。若離是四梵行住處。雖正殿堂樓閣中住。不名住處。那羅延是人名為欺誑一切人。天阿修羅。虛食供養。那羅延菩薩若住餘諸梵行皆攝在此。四梵行中。何以故。那羅延是梵行住處。其難得故。若有不見是四梵行緣聖禪者是世身見。不斷於慢。那羅延言文殊師利云。何菩薩得名住此慈悲喜捨。文殊師利言。那羅延若有菩薩作如是念。我要當度一切眾生。是名住慈。我要當脫一切眾生。是名住悲。我要當令一切眾生得住佛法。是名住喜。我要當以出世間法寂靜一切諸眾生等。是名住捨。復次。那羅延菩薩若解諸法界寂是名住悲。菩薩若解一切法界元著無縛元解是名住喜。菩薩若解一切法界無去无來是名住捨。那羅延是名菩薩住慈悲喜捨復

次。那羅延菩薩若見無我之法而不驚畏。是名住慈。若見一切眾生寂滅而不驚畏。是名住悲。若聞一切佛法同等如一佛法而不驚畏。是名住喜。若聞一切刹無盡而不驚畏。是名住捨。復次。那羅延元所尋滯。是名為慈。救眾生苦。是名為悲。患無所惱。是名為喜。不高不下。是名為捨。復次。那羅延有慈悲非大慈大悲。大慈大悲聲聞緣覺之所無。有聲聞緣覺所有慈悲不能安樂一切眾生。是名慈悲非大慈悲。云何名為大慈大悲。若於一切眾生等起平等心。脫其苦惱。是名菩薩大慈大悲。若生五道為諸眾生自捨己樂作如是念。是諸眾生墮在邪道。我當安止令住正道。是名菩薩大慈大悲。那羅延是故當知聲聞緣覺有慈有悲。無大慈大悲。那羅延是故菩薩應當修滿大慈大悲。說是大慈大悲法時。八千眾生發阿耨多羅三藐三菩提心。作如是言。我等亦當住如文殊師利所說大慈大悲。八千菩薩得集一切福德。三昧八千眾生遠離

塵垢得法眼淨。今時。那羅延菩薩自言。世尊。如來世尊。名百福相。以何因緣得如是相。佛告。那羅延。若於十方各如恒河沙等世界。所有眾生皆成轉輪大王。所有功德福聚等。一帝釋所有福德。十方恒河沙等世界。所有眾生成就福聚。皆如帝釋。是諸帝釋所有福聚等。一梵王所有福聚。那羅延。若恒河沙等世界。所有一切眾生成就福聚。皆如梵王。是諸梵王所有福聚等。一聲聞所有福聚。那羅延。若恒河沙等世界。所有一切眾生成就福聚。皆如聲聞。所有福聚。那羅延。若恒河沙等世界。所有一切眾生成就福聚。皆如緣覺。那羅延。是諸一切聲聞緣覺。所有德聚。盡合為一菩薩成就。是集一切福德。三昧有如是福。所有德聚。復過於那羅延。是菩薩所成福德。善根元量無邊。那羅延。若使十方如恒河沙等世界。所有一切眾生皆悉逮得是集一切福德。三昧福德之聚。是諸德聚。復百千倍。猶不等佛一相福。是名如來日

集一切福德經卷下 第三十卷 釋尊

福德相一切衆生无能思量是故如來名不思議百福德相說是百福德相法時而此三千大千世界六種震動大光普照百千伎樂不鼓自鳴天雨妙花一切世間諸天世人阿修羅等歎未曾有大聲唱善五體投地礼世尊足作如是言若有衆生發於無上正真道心快得善利當得如是百福德相莊嚴之身勝諸一切釋梵護世聲聞緣覺所有德聚其有衆生得聞此集一切福德三昧寶者得大利益既得聞已當如說行世尊所在國土有是經處當知是中善男子善女人佛力所持能流通此經世尊若使滿於世界大火當從中過往聽是經佛言如是如是善男子如汝所言若有善男子善女人不聞是經當知是人為魔所持善男子若菩薩聞此三昧經不能受持我不說彼名為得聞若聞不持不讀不誦不轉不於大衆廣分別說不名多聞余時大衆皆共同聲白言世尊願護是經名集一切福德三昧令廣流布余時世尊放於

集一切福德經卷下 第三十卷 釋尊

日毫藏相光明遍照元量無邊世界是光明中出如是音聲如來應供正遍覺已護是經余時佛告大德阿難阿難如來不久當般涅槃却後三月入無餘涅槃阿難我今以此三昧經典付囑於汝受持讀誦廣分別說阿難若有衆生持是經者則於其人佛不涅槃法亦不滅何以故阿難若有開示是經典者當知是人則為見佛若大衆中分別演說顯示文義當知是人守護正法余時阿難悲泣流淚白言世尊願住一劫若住百劫若住千劫多所安隱多所饒益利安人天佛告阿難汝勿悲泣汝若受持是經讀誦令廣流布使不漏失隨余所時常為見佛何以故佛如來者都不可以色身所見不可以三十二相所見不可以諸好而見阿難若有得見如是等經則為見佛說是經已文殊師利法王子鄒羅延菩薩淨威力士及大菩薩僧大德阿難等聲聞大衆一切人天諸龍夜叉乾闥婆阿修羅世間人民聞佛所說皆大歡喜

集一切福德經卷下

癸卯歲高麗國大藏都監奉勅彫造